



Jee ta íchí t̄in t̄i' ìn t̄iñí sukuáni sukuáni s̄íkí t̄i' maa, ya máá sáká ini t̄i'.

Jee kuíre ìn k̄iv̄i' ntú ns̄íkí t̄i' ka' ni ntú nkuíni t̄i' kaji' t̄i' jee nni'i' t̄i'.

Jee nkukuéká ví'í ini ìto'o' t̄i'. Nna'yu' ví'í ña jie'e' t̄i' chi nkaán vi'i ña t̄i', chi ntuví ka' se'ya lúli ña, jee ni ntunéé' ña jín rá tiání ña. Jee suvi tan t̄i' vá síkuékú t̄i' ña jín rá tiñu sáká ini sá'á t̄i' sáá s̄íkí t̄i'. Jee suni kúkuéntú tan ña jín t̄i'. “Soo kuachi ‘míauu, míauu’ káchí' t̄i’”, káchí' ña.


Sukuán káchí' ìto'o' t̄i'.



Nniyo ìn vílu lúli, lá'ví, sáká ini. Jee sáá nsukuá'a t̄i', sáá t̄iin t̄i' t̄iñí, jee nákin t̄i' yikitíin t̄i', jee ná'yú' t̄i' káchí' t̄i': “Míauu, míauu, míauu”.



Jee jiákava yu'u' t̄i' chíyu'u' t̄i' maá t̄i' rá yaṭa' k̄isi áxí yaṭa' no'o' kachi' áxí rá skina ve'i jee síkáá' síkáá' t̄i' ìn na'á t̄i' kuentá k̄ein k̄ein t̄i' sù ntuná káá n̄un' t̄i'.





Jee chíyú'ú tì' ìn yá'ká áxí tilúú yu've'
 áxí ìn yuú' lú'lí, jee iyo iyo ichi xínóxíníji tì'
 maa nuun' ñu'ún jín rá na'á tì', jee káchí' tì':
 “Míauu, míauu, míauu”.

Jee kuíre kixí' kixí' tì' ne náán' ini tì'
 nuun' ito tì' jee néyú' néyú' ixtin' tì'.



Jee sáá nóto tì' jee káchí' tì': “Míauu,
 míau, míauuuu”, jíkán tì' ñujien kaji' tì'. Ne
 ná'yú' kuéká tì' sáva ku'va ráa nujien
 kaji' tì'.

Jee sáá nkutu'va tì' ntin tì' tñí, jee xí'na
 ka' síkí nasíkuiti' tì' maa, chi jiákín jíká tì'
 maa nuun' tì' jee jiánava tì' yata'-a nekuá'
 retú njiaví tì'. Kuíre yájí' tì' maa.

